

E la anuncia retiro ayera for di politica despues di e periodo actual

Richard Visser no ta bolbe riba lista di AVP den proximo eleccion



Minister Visser anunciando su retiro for di politica

ORANJESTAD - Minister Richard Visser no ta bolbe riba lista di AVP den e proximo eleccion. Riba Linear Park ayera tardi dilanti di e bus di Salud, Minister dr. Richard Visser a anuncia cu e no ta sigui den politica mas y tampoco ta continua den e funcion di Minister di Salubridad den e proximo Gobernacion di AVP. Visser ta haya cu e la cumpli cu su meta y propositonan den e mundo

di salubridad y a laga un bon base pa e futuro generacionnan.

E mandatario a participa na henter comunidad cu e la tuma decision pa no participa na e proxima eleccion y completa su termino di Minister di Salubridad y Deporte na momento cu e Gobierno actual su periodo termina. Visser ta considera un honor y un oportunidad grato di por a sirbi

comunidad di Aruba durante e periodo di gobernacion 209 pa 2013. E vision cu e la presenta a ser realisa y cu salubridad di pais Aruba ta riba bon caminda. Den tur tranquilidad e mandatario a tuma e decision aki.

Durante e ultimo cuater añanan e mandatario a bisa cu e la hinca hopi energia pa introduci un vision y direccion nobo y alabes trece bek estabilidad den salubridad publico. E construccion di e tan spera hospital nobo ta keda cla pa e proyecto aki por cuminsa. Pa loke ta cuida tur plan ta cla pa Horacio Oduber Hospital keda transforma den un instituto di salud cu cuidao di calidad y estudio científico. Drumu den camber di seis persona ta algo pa pasado. Privacidad y calidad ta sigura den e plannan nobo ya aproba. E cambio cu lo bin ta historico pa tur hende. Awor ta cuestion di ehecuta e proyecto aki pa

pueblo. E mandatario ta sinti cu e mensahe di e greater wellbeing a yega na tur hende. E conscientisacion pa cuida salud y pa move mas ta tumando lugha tur dia riba Linear Park y rond di Aruba. cu e bus di salud e mandatario a logra cumpli cu e vision di trece cuida mas cerca di e pueblo, pa grandi y chikito. Awe IBISA ta funcionando cu grandi exitoso yudando comunidad desaroya un estilo di bida nobo, consciente y contento. Cu IBISA comunidad ta garantiza cu prevencion y promocion di salud ta keda pa semper.

A haci hopi trabou y esfuerso den reorganizacion di AZV pa e por ta un organizacion agil, cu vision y direccion profesional. AZV pa prome biaha den historia a logra keda den esun GDP di 9 porshento y un crecimiento estabilisa di 3 porshento y mei durante e ultimo añanan.

Trankilidad den e sector pa mehora e calidad di cuida na IMSAN, ta e instancia cu ta trece mas alivio pa e comunidad. E plan pa un centro di oncologia ta cla y e plan di negoshi a keda entrega pa e financiamiento keda completa y ehecucion di e proyecto aki bira un realidad. E proyecto aki lo ser realisa den un partnership cu Baptist Health South Florida. E ta un centro completo pa diabetico, Dialisis, centro di oncologia cu radio y kimoterapia. Tambe tin facilidad pa turismo medico y un fuente nobo di entrada pa AZV. Esaki ta nifica cu pashtenan no mester di biaha mas pa cancer y pa tratamento keda Aruba. e pashtent ta ricibi e tratamento na Aruba y bay cas recupera. E ta den su ambiente y sosten familiar. Cu tur e cambionan aki e mandatario ta garantiza cu e ta alga atras un base fuerte pa cu e mundo di cuida medico na Aruba. □